

Na osnovu člana 70. Zakona o organizaciji organa uprave u Federaciji BiH («Sl. novine F BiH» broj: 35/05), člana 50. Zakona o izvršenju Budžeta Bosansko-podrinjskog kantona Goražde („Sl. novine BPK Goražde“ broj: 15/19), a u vezi sa članom 258. Zakona o dopunskim pravima branilaca i članova njihovih porodica u Bosansko-podrinjskom kantonu Goražde («Sl. novine BPK Goražde» broj: 9/13, 11/14 i 15/19), Ministar za boračka pitanja Bosansko-podrinjskog kantona Goražde objavljuje:

## **JAVNI POZIV**

### **za ostvarivanje prava na novčanu egzistencijalnu naknadu**

#### **Član 1.**

Za ostvarivanje prava na novčanu egzistencijalnu naknadu zahtjeve mogu podnositi demobilizirani branioci sa područja Bosansko-podrinjskog kantona Goražde do navršenih 57 godina života koji ispunjavaju uslove propisane Zakonom o dopunskim pravima branilaca i članova njihovih porodica («Sl. novine BPK Goražde» broj: 9/13, 11/14 i 15/19), kao i demobilizirani branioci do navršenih 57 godina života koji nemaju prebivalište, odnosno boravište na području Kantona, a ostvarili su povratak u Republiku Srpsku u opštinama Foča, Čajniče, Rudo, Višegrad, Rogatica, Pale i Novo Goražde, s tim da su na dan potpisivanja «Opšteg okvirnog sporazuma za mir u BiH» (14.12.1995.godine) imala boravište na području Kantona.

#### **Član 2.**

Finansijska sredstva za ostvarivanje prava na novčanu egzistencijalnu naknadu obezbjeđena su u Budžetu Ministarstva za boračka pitanja Bosansko-podrinjskog kantona Goražde za period februar-juli 2020.godine na ekonomskom kodu 614200 - «Tekući transferi pojedincima» (BOR - 005).

Odluku o utvrđivanju koeficijenta po kojem se vrši isplata utvrđuje Vlada najmanje jednom u toku godine.

#### **Član 3.**

Uslovi za ostvarivanje prava na novčanu egzistencijalnu naknadu:

1. Borački status;
2. Socijalni položaj podnosioca zahtjeva (ukupna novčana primanja podnosioca zahtjeva uključujući i primanja po osnovu socijalne i boračko - invalidske zaštite ne prelaze iznos od 174,03 KM;
3. Da je podnosilac zahtjeva bio pripadnik OS, najmanje jednu godinu dana;
4. Da starosna dob podnosioca zahtjeva ne prelazi 57 godina života;
5. Da je podnosilac zahtjeva prijavljen kao nezaposleno lice kod nadležne Službe za zapošljavanje najmanje godinu dana prije podnošenja zahtjeva;

#### **Član 4.**

Obavezna dokumentacija koju podnosioci prilažu uz zahtjev za priznavanje prava na novčanu egzistencijalnu naknadu:

1. Izvod iz matične knjige rođenih podnosioca zahtjeva;
2. CIPS-ova prijava prebivališta podnosioca zahtjeva;
3. Uvjerenje da je podnosioc zahtjeva bio pripadnik Oružanih snaga, izdato od nadležne Grupe/Samostalnog izvršioca za pitanja evidencija iz oblasti vojne obveze. (Uvjerenje VFMB-3a);

4. Uvjerenje Zavoda za zapošljavanje da se podnosioc zahtjeva nalazi na evidenciji nezaposlenih osoba najmanje 1 (jednu) posljednju godinu prije podnošenja zahtjeva, i da ne prima novčanu naknadu za vrijeme nezaposlenosti;
5. Uvjerenje iz porezne uprave da podnosilac zahtjeva ne obavlja samostalnu djelatnost vlastitim radom i da nema drugih prihoda na osnovu izdavanja u zakup poslovnih ili stambenih prostora i sl. ili ukoliko ima prihoda, da ukupan iznos prihoda ne prelazi iznos od 174,03KM mjesečno;
6. Uvjerenje nadležne službe MIO/ PIO da nije uživatelj penzije, ili, ukoliko jeste, da njen iznos ne prelazi iznos od 174,03KM;
7. Izjava podnosioca da nije uživatelj inostrane penzije;
8. Uvjerenja nadležne kantonalne/gradske/općinske službe za socijalnu zaštitu i Službe za boračko-invalidsku zaštitu da podnosioc zahtjeva nije korisnik stalnih mjesečnih primanja, ili, ukoliko jeste, da iznos tih primanja ne prelazi iznos od 174,03KM mjesečno;
9. Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

Priložena dokumentacija treba biti original ili ovjerena kopija ne starija od 3 (tri) mjeseci, izuzev za dokaz iz tačke 1. (rodni list) ukoliko je isti trajnog karaktera.

#### **Član 5.**

Zahtjev sa priloženom dokumentacijom za priznavanje prava podnose se Gradskoj/općinskoj službi za boračko-invalidsku zaštitu sa prostora Bosansko-podrinjskog kantona Goražde, na osnovu prebivališta/boravišta.

Zahtjev sa potrebnom dokumentacijom za priznavanje prava dostavlja se od dana objave Javnog poziva na web stranici Vlade BPK Goražde, oglasnim pločama kantona, Grada/općina, udruženja koja okupljaju boračke populacije u toku 2020. godine, kontinuirano.

Zahtjevi za ostvarivanje prava predaju se putem pošte preporučeno ili lično na Protokol Gradske/općinske službe za boračko-invalidsku zaštitu shodno mjestu prebivališta/boravišta podnosioca zahtjeva.

#### **Član 6.**

Nadležna općinska/Gradska služba za boračko-invalidsku zaštitu je dužna provesti upravni postupak i donijeti rješenje po zahtjevu stranke u skladu sa odredbama Zakona o upravnom postupku ("Službene novine Federacije BiH", broj 2/98 i 48/99).

**NAPOMENA:**Obrazac zahtjeva se može preuzeti u nadležnim službama za boračko-invalidsku zaštitu Grada/opština sa prostora BPK Goražde, Ministarstvu za boračka pitanja i Prijavnici Bosansko-podrinjskog kantona Goražde, ul. 1. Slavne višegradske brigade br. 2a.

Broj:11-11-66-1/20  
Goražde, 21.01.2020.g.

**MINISTAR**

Edin Aganović

